



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 04-40-1463/23
Sarajevo, 30.11.2023. godine

UPOZORENJE PRAVNIM I FIZIČKIM LICIMA ZA PREDUZIMANJE PREVENTIVNIH MJERA ZAŠTITE I SPAŠAVANJA OD JAKOG VJETRA

S obzirom da je Federalni hidrometeorološki zavod izdao **NARANDŽASTO UPOZORENJE** za jake i olujne udare vjetra južnog smjera i da se očekuju udari vjetra brzine od 50 do 80 km/h, u vremenskom intervalu od 30.11.2023. godine od 21:00 sat do 02.12.2023. godine do 18:00 sati na području cijele Bosne i Hercegovine, upozoravamo sva pravna i fizička lica da preventivno, radi zaštite zdravlja i života ljudi, te materijalnih i kulturnih dobara, **ODMAH u skladu sa svojim nadležnostima, kao i obavezama koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) preduzmu neophodne preventivne mjere zaštite od jakog i olujnog vjetra (pripreme adekvatne snage i materijalno-tehnička sredstava za brzi odgovor na najavljene jake i olujne udare vjetra) jer će se tako stvoriti pretpostavke za efikasnije i brže reagovanje svih subjekata sistema zaštite i spašavanja u sveobuhvatnom odgovoru na potencijalne izazove i prijetnje od jakih udara vjetra, a samim tim će se izbjeći velike materijalne štete, kao i moguće povrede i ljudske žrtve.**

Posebno apelujemo na pravna lica koje izvode radove na građevinskim objektima da ne ostavljaju predmete koji bi uslijed jakog vjetra mogle pasti sa krovova objekata, građevinskih skela i sl. i time ugroziti sigurnost prolaznika.

Također, apelujemo sugrađanima da na svojim balkonima i drugim otvorenim prostorima ne ostavljaju predmete koji bi mogli uslijed vjetra ugroziti sigurnost prolaznika, da ne parkiraju svoja vozila u blizini velikih stabala, te da izbjegavaju izlete i boravak u prirodi u periodu trajanja narandžastog upozorenja.

Posebno apelujemo na općinske službe civilne zaštite s područja Kantona Sarajevo DA ODMAH stave svoje organizovane snage zaštite i spašavanja u stanje pripravnosti, kako bi iste bile SPREMNE KAO SNAGE PRVOG ODGOVORA, da u skladu sa svojim nadležnostima i obavezama po planovima zaštite i spašavanja reaguju na potencijalno moguće jake i olujne udare vjetra na području svojih općina.

Napominjemo navedene subjekte, da su dužni ODMAH ČIM primijete ili saznaju za neku opasnost ili pojavu koja može dovesti do nastanka prirodne i druge nesreće, sve podatke o istoj dostaviti Kantonalnom operativnom centru civilne zaštite na tel. broj 121, koji radi neprekidno 24 sata svaki dan.



P. O. DIREKTORA

Mirela Alihodžić

Sekretar Uprave

Dostavljeno:

- Službi za protokol i press Kantona Sarajevo;
- Općinskim službama civilne zaštite;
- Pravnim i fizičkim licima putem elektronskih i printanih medija;
- a/a.